

Bosna i Hercegovina
Federacija Bosne i Hercegovine
KANTON SARAJEVO
Ministarstvo zdravstva



Босна и Херцеговина
Федерација Босне и Херцеговине
КАНТОН САРАЈЕВО
Министарство здравства

Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

P R A V I L N I K
o izmjenama Pravilnika o unutrašnjoj organizaciji
Ministarstva zdravstva Kantona Sarajevo

Sarajevo, septembar 2022. godine

Na osnovu člana 52. stav (1) tačka 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), člana 74. stav (5) Zakona o državnoj službi u Kantonu Sarajevo („Službene novine Kantona Sarajevo“, broj 31/16), člana 76. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj 49/05), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, broj 39/16), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br. 36/06, 8/12 i 39/16) i člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije Bosne i Hercegovine“, br: 69/05 i 29/06), ministar Ministarstva zdravstva Kantona Sarajevo, d o n o s i

P R A V I L N I K

O IZMJENAMA PRAVILNIKA O UNUTRAŠNJOJ ORGANIZACIJI MINISTARSTVA ZDRAVSTVA KANTONA SARAJEVO

Član 1.

(Izmjena člana 11. stav (4))

U Pravilniku o unutrašnjoj organizaciji Ministarstva zdravstva Kantona Sarajevo broj: 10-02-1358-1/21 od 29.07.2021. godine, na koji je Vlada Kantona Sarajevo dala saglasnost Odlukom broj: 02-04-38556-13/21 od 21.10.2021. godine, u Poglavlju III - Sistematizacija radnih mjesta, u članu 11. kod radnog mjesta Pomoćnik ministra za zdravstvenu zaštitu, stav (4) mijenja se i glasi:

„(4) Uslovi za vršenje poslova: Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme odnosno visoko obrazovanje prvog ciklusa Bolonjskog sistema studiranja koji se vrednuje sa 360 ECTS studijskih bodova ili drugog ili trećeg ciklusa Bolonjskog sistema studiranja, završen medicinski ili stomatološki fakultet, ili diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, završena visoka zdravstvena škola odnosno fakultet zdravstvenih studija, najmanje pet godina radnog staža u struci i položen stručni ispit.“

Član 2.

(Izmjena člana 12. stav (4))


U članu 12. kod radnog mjesta Stručni savjetnik za organizaciju i funkcionisanje zdravstvene zaštite, stav (4) mijenja se i glasi:

„(4) Uslovi za vršenje poslova: Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme odnosno visoko obrazovanje prvog ciklusa Bolonjskog sistema studiranja koji se vrednuje sa 360 ECTS studijskih bodova ili drugog ili trećeg ciklusa Bolonjskog sistema studiranja, završen medicinski ili stomatološki fakultet, ili diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, završena visoka zdravstvena škola odnosno fakultet zdravstvenih studija, tri godine radnog staža u struci i položen stručni ispit.“

Član 3.
(Stupanje na snagu)

Ovaj Pravilnik o izmjenama Pravilnika o unutrašnjoj organizaciji Ministarstva zdravstva Kantona Sarajevo stupa na snagu danom dobijanja saglasnosti od Vlade Kantona Sarajevo.

Broj: 10-02-32566/22
Sarajevo, 09.09.2022. godine



MINISTAR
Prof. dr. Haris Vranić

